

O PROJEKTU „Da, mladi upravljaju!“

KO?

Tri nevladine organizacije iz BiH: Udruženje **“Prijatelji Srebrenice”**, u partnerstvu sa Udruženjem građana **“Orhideja”** iz Srebrenice i Udruženjem **INFOHOUSE iz Sarajeva**, pokreću projekat za mlade istočne Bosne i Hercegovine pod nazivom „Da, mladi upravljaju!“.

ŠTA?

Pilot projektom **„Da, mladi upravljaju!“** krenućemo odvažno u analizu problema učešća mladih u društveno-političkom životu, te saznati koje su sve prepreke pred mladima koje im ne dozvoljavaju da preuzmu svoj život u svoje ruke. Posljednjih godina sve više opština u BiH usvaja Strategije za mlade ali pravo je pitanje, na koje ćemo mi dati odgovor kroz naša istraživanja, koliko se te Strategije uopšte i poštuju. **Posljednji podaci dokazuju da vlasti na nivou BiH za podršku i razvoj mladih ljudi izdvajaju svega 2 KM po glavi mlade osobe!**¹ Zato ćemo mi uz pomoć opština formirati **Upravljačke komitete za mlade** zahvaljujući kojim će mladi konačno ostvariti svoja prava.

ZAŠTO?

Na području opština koje su obuhvaćene projektom živi oko 22 000 mladih. Za njih kao i za ostale mlade sa područja države nemogućnost dolaska do zaposlenja jedan je od ključnih problema. Na nivou BiH prema podacima UNDP-a stopa nezaposlenosti među mladima, starosne dobi od 16 do 30 godina je skoro 60%, što je četiri puta više nego u zemljama EU-a. Kroz naše aktivnosti: javne kampanje, istraživanje položaja mladih, istraživanje dostupnosti programa i podsticaja zapošljavanju, te formiranje i podršku Upravljačkim komitetima omogućićemo bolji položaj mladih, njihov ekonomski i društveni status, te ih ohrabriti da više učestvuju u političkom životu. Mladi trebaju kreirati, sprovesti i procjenjivati omladinske politike svoje opštine.

GDJE?

U ovom trenutku dat ćemo svoj doprinos u poboljšanju društvenog i ekonomskog položaja mladih u multietničkim zajednicama šest slabo razvijenih opština istočne Bosne i Hercegovine: **Srebrenica, Bratunac, Milići, Vlasenica, Foča i Višegrad.**

KADA?

Početak projekta je u martu 2012. dok se njegova finalizacija očekuje u aprilu 2013. godine.

KAKO?

- ✓ osnaživanjem mladih da zagovaraju za svoje probleme i da zahtjevaju odgovornost vlasti,
- ✓ provođenjem istraživanja i analizom učešća mladih u društvenom životu lokalnih zajednica,
- ✓ formiranjem i jačanjem upravljačkih komiteta za mlade,
- ✓ uspostavljanjem i radom fonda za zapošljavanje i stručno osposobljavanje mladih,
- ✓ razvojem mehanizama za bolje partnerstvo između mladih i njihovih lokalnih vlasti,
- ✓ Informisanjem javnosti i unaprijeđenjem praksi za rješavanja pitanja od interesa za mlade putem javnog zagovaranja.

¹ Navodi iz istraživanja Instituta za razvoj mladih KULT

Podržano od: